

施愚山先生余文集

施愚山先生全集

施愚山先生全集

施愚山先生全集

士大夫之能詩古文者數百年以來於今爲盛予最愛
吳門汪戶部宣城施愚山先生之文其它卓犖奇偉指
不勝屈今天下文患才多二家獨剷除一切浮腐之言
而左規右矩與古人不失尺寸此其所以難能也歲已
未施先生自京師以書來郵其詩及傳記諸作屬予論
定而序之予於先生舊爲部民未嘗一請見今定先生
文盡吾意所欲道若吾於易堂諸子儕輩相晨夕者之
所爲蓋先生學聖賢之道日久心虛平而氣下方孜孜
欲寡其過使人輕千里而告以善况區區文章之間乎
予病廢三十餘年不敢懷一刺一啓事於貴人獨往好
戶部文欲有所商確先之以書而世不察也以爲相訾

是山先生集
議然頗尋繹是書縱橫凌厲有求勝於人之氣自恨生
不學道不能自克其名勝之私以五十無聞之年蹈少
年喜事之習今將破焚其版然而悔已不可追矣先生
詩文原本道義無自矜厲之氣其譽人也無過情之詞
綢繆往復亦未嘗自過其情所稱有道者之言非邪予
內媿而白汗交下者蓋往往而然然先生文意朴氣靜
初讀之若未嘗有所驚動於人細尋繹之則意味深長
詳復而不厭文章瑰偉之士退然不敢踐其藩籬間爲
議論若不得已而出而終不欲馳騁張皇自傷其體法
蓋才多之文先生非不能爲而不爲之而未嘗不可以
想見其才此則愚山氏之文而非它人之爲文者也先

生詩古節雅音得風人之性情海內士久服習而論定
之無待予不知言者之揚厲已予旣甲乙先生文以歸
因道所私見質先生若夫弁諸集首則何敢寧都易堂
魏禧撰



施愚山先生年譜序

年譜之作其當有宋之世耶自一二鉅公長德大集流
布後人景仰其休風卽其所著按其行事年經而月緯
之吳仁傑之譜靖節少陵呂大防洪興祖之譜昌黎文
安禮之譜柳州是矣然此猶屬隔代也六一譜于薛齊
誼南豐譜于朱子三蘇譜于何綸龜山譜于黃去疾紫
陽譜于李方子勉齋譜于潘植鄭元肅陳義和雙峰譜
於胡默成或親問業或私淑諸人其言動爲可信而辭
不虛美故吾以爲年譜之作卽世家之體較之遺事行
狀尤嚴必其德業崇閎文章彪炳始克足以當此未有
以草亡木卒之人而可施之以編年紀月之法者也宛



陵施侍讀愚山先生其學非一世之學關閩濂洛之學也其文非一世之文陶杜韓柳之文也位不稱德卒官侍從先生嘗自編年譜散佚不可復得其曾孫得仍州守因其尊甫隨村先生所編詩文目錄益以誌狀碑版之文釐爲四卷以繼先志嗚呼後人誦先生之詩讀先生之書卽是譜以知先生之爲人而以論其世先生之梗概亦大略可覩矣或疑先生行事炳在天壤上宜傳之國史次宜俟天下後世學者之論定而此譜之作特出自其孫曾得無私而不公歟家猷而未可以爲國憲歟而吾以爲得仍亦猶行古之道也在宋范文正之譜編於五世孫之柔陳忠肅之譜編于七世孫宣子黃豫

章之譜編于孫營葉信公之譜編于子應支在元程雪樓之譜編于孫世京在明楊文敏之譜編于六世孫肇吳文定之譜編于五世孫家楨其他子孫之揚其先烈者如周仁俊之譜文襄劉持善之譜忠愍章應玄之譜恭毅陳其柱之譜文定遽數之而不能終也夫其人苟無可譜雖子孫不得諂其祖父其人苟有可譜其家庭之所訓行較之他人不更親且切乎得仍之爲是譜也何傷夫得仍亦猶行古之道也余與先生爲詞科後起而與得仍又共列同歲之名因徵前哲之例而序之以附於私淑諸人之列謹序乾隆丁卯七月望仁和後學

杭世駿

愚叟先生秋林讀易像



西湖僧明中摹



己維摩負
 泥泐席
 大對蕭然
 燭照霖匹
 而章事業
 生乎歷二
 壹著焉
 三極其極

年春同學小弟
 方亨咸持題

侍側有狀皆儀絳帳
 開卷嚴狀如親面文
 眼前不設一物胸中
 直息諸妄蓋直指伊
 洛之真詮豈徒誇文
 章之宗匠嗚呼吾師
 禽精葆彩借尺幅以
 傳神曷五齋堂曠子
 秋而獨上

古夢夢業門人宋生沐手持題
 再外孫春穀劉琦敬書



校閱姓氏

曾經商訂及現在校閱諸先生謹刻如左餘不敢多及

崑山

徐乾學
健菴

新城

王士禎
阮亭

秀水

朱彝尊
竹垞

吳縣

潘耒
稼堂

華亭

王頊齡
瑁湖

長洲

汪琬
茗文

桐城

張英
敦復

長洲

尤侗
展成

吳江

徐鉉
電發

睢州

湯斌
潛菴

宜興 陳維崧 其年

德清 徐倬 方虎

溧陽 史夔 耕巖

任丘 龐增 雪岷

商丘 宋瑩 牧仲

常熟 蔣伊 謂公

錢塘 高興 翼亭

桐城 姚文燮 經三

濬陽 張榕端 樸園

語水 吳之振 孟舉

長白 曹寅 子清

儀封張伯行孝先

仁和湯右曾西浬

吉水李振裕維饒

開封王式穀

寧陵高于湑

固始宋生子春

長洲張大受日容

新安汪士鋐扶晨

宜興儲欣同人

毘陵邵長衡子湘

泰州俞梅太羹

南陵劉楷蘧菴

黃岡杜濬于皇

貴池曹曰瑛渭符

江都卓爾堪子任

宜興儲在文理質

江都唐繼祖序皇

歙縣張潮山來

同邑高詠阮懷

同邑孫卓予立

同邑茆薦馨楚晚

同邑梅庚耦長



施愚山先生年譜卷一

先生姓施氏諱閏章字尙白一字吧雲號愚山一號

媿蘿居士又號夔齋晚號矩齋江南寧國府宣城縣

雙溪里人

施氏系出魯施父始祖伯玉公施父五十九世孫也生於元之至元自湖城遷宣焉是爲雙溪始祖

六十二世祖明義公生元之天歷明興族人梁藍玉版籍誅戮無遺類公以從戎守禦撫州獲免事定圖歸雙溪祀族獲存

七十世祖諱鴻猷字允升郡學生學者稱中明先生振興理學師事陳九龍先生紹羅旰江傳爲名賢焦澹

園鄒南臯諸公所禮重推遺產爲義田遊處講學皆
成館舍事具家風述略俎豆鄉賢有中明子集行世
七十一世諱譽字曾省一字述明卽先生父也生而孝
愛絕人講學力善繼揚先緒具述略中侍讀李公石
臺爲立孝友傳以先生貴贈奉政大夫山東按察司
提學僉事妣馬氏誥贈宜人

前明萬歷四十六年戊午十一月二十一日辰時先生
生於雙溪里第

萬歷四十七年己未

萬歷四十八年庚申先生年三歲

卽泰昌元年

家風述略云閏章三歲失母又病疳鞠於吳大母憐

愛甚又大母吳太孺人行略云閨章幼罹天譴三歲失先安人大母哺之又病疳屢瀆死又示兩孫扎云踰亢兩孫汝命苦早失母吾爲汝淚流然汝有祖母恩勝汝母我當年喪母時未滿三歲又多病比汝苦倍也

天啟元年辛酉

天啟二年壬戌

天啟三年癸亥先生年六歲

初就傳入小學家風述略云閨章初就蒙師府君卽授孝經曰此千古聖賢大根本

天啟四年甲子先生年七歲